



JOURNAL POPULAIRE DE LITTÉRATURE, D'HISTOIRE ET DE SCIENCES
PARAISSENT TOUTES LES QUINZAINES

Se vend partout. Dépôt à Paris : C. MABILLY, Aléio de Meihan, 24.

Abouamen :
3 fr. e mié pèr an pèr touto la França.
Fouèro França, lou port en subre, ço
que revèn à 5 fr.

Tout ço que tocò lou journau dèu
èstre manda afranqui à l'Empremarié
Prouvençalo, 15, carrièro d'ou Grand-
Relògi, à-z-Ais.

Lei plé noun afranqui saran refusa.
Leis article noun inseri saran pas
rendu.

ASSABÉ

La segoundo annado d'ou Journau, acou-
mencara emé lou proumié numerò d'abriéu.

Larié en de bon, pèr assegura la regulie-
re, a d'ou servici, que leis abouamen se re-
nouveèsson au moilèu. La posto lei reçaup,
e l'amenistracié d'ou Journau se cargo dei
fres. Depausa au proumié Burèu de Posto
vengu, 3 franc e mié pèr la Prouvenço e la
Franço, 5 franc pèr fouèro França.

TAULETO

PASSO-TÈMS. — Lou degré de calour. — *Un Bas-
tidan.*

POUESIO. — Lou Sendi de Prouvenço. — *M.
Bourrelly.*

REMEMBRANÇO. — D'ou 22 de Febrié au 6 de Mars
— *L.-A. Gardaire.*

CRONICO. — N.-D. de Mount-Serat. — La Mes-
triso d'Ais. — Lei nouvèu Felibre.

BIBLIOGRAFIO. — Seguido de l'article d'ou nu-
merò XXII.

FORIETOUN. — La Chato di pèu d'or. — *Magali.*

PASSO-TÈMS

LOU DEGRÈ DE CALOUR

Janet, sabès bèn ! Janet, cousin german d'ou Ja-
net, que poudavo, segavo tant bèn, rebroundavo
leis amourié qu'èro un chèle, fustejavo sa barioto,
tiravo sa rego bèn drecho, tenié sa terro coumo
un jardin, e... fasié lei poucèu.

Janet, disèn doune, un jour que se sentié pas
trou lest, restè à l'oustau d'ou tèm que soum paire
anè fouire. Èro un dissato, la veiho de la fèsto de
l'èndrè ; sa maire estiravo lei camiso pèr lende-
man, e coumo sabès que fan leis estiraso pèr vèire
se soum fèrri es proun caud, en lou tirant d'ou
fournèu li escupissié subre avans de lou metre de
vers sa gauto e de lou tirassa sus lei camiso.

Tout apensamenti, e nouu sabènt ço qu'acò valié
dire, Janet fa coumo eiço à sa maire :

— Maire ?

— De que 'i a ?

— Goumo va qu'escupès sus lou fèrri ?

— E badau ! vesés pas qu'es pèr vèire s'es
proun caud avans de lou passa sus la camié pèr
que deman siegue bèn empesado.

— Acò va bèn.

Lou sero, lou paire s'enven de la terro ; la soupo
es trempado, s'entaulon.

Au moumen ounte la maire adus sus taulo lou
brounsin pèr faire lei part, Janet s'oubouro, e sèn-
so dire garo, escupe dins la soupo.

— Bougre de pourcas ! li creido soum paire, en
li mandant lou pu bèu lèvo-dènt qu'aguesse jamai